

869

Na osnovu člana 109. stav (3) Zakona o osnovnom odgoju i obrazovanju („Službene novine Tuzlanskog kantona“, br. 9/15 i 6/16), ministar obrazovanja, nauke, kulture i sporta Tuzlanskog kantona d o n o s i

KRITERIJE

za ocjenjivanje direktora osnovnih škola

Član 1.

(Predmet Kriterija)

Ovim kriterijima utvrđuje se način ocjenjivanja direktora osnovnih škola (u daljem tekstu: direktor škole) na području Tuzlanskog kantona.

Član 2.

(Organ nadležan za ocjenu rada direktora)

Rad direktora škole čiji je osnivač Skupština Tuzlanskog kantona (u daljem tekstu: Skupština Kantona) ocjenjuje Ministarstvo obrazovanja, nauke, kulture i sporta Tuzlanskog kantona (u daljem tekstu: Ministarstvo), na osnovu nadzora Ministarstva, stručnog nadzora Pedagoškog zavoda Tuzlanskog kantona (u daljem tekstu: Pedagoški zavod) i mišljenja školskog odbora škole.

Član 3.

(Pokretanje postupka za ocjenu direktora)

(1) Zahtjev za pokretanje postupka za ocjenu rada direktora škole školskom odboru škole dostavlja kandidat kome je pretao mandat direktora.

(2) Po prijemu zahtjeva iz stava (1) ovog člana školski odbor škole isti prosljeđuje Pedagoškom zavodu radi davanja mišljenja.

(3) Po prijemu mišljenja Pedagoškog zavoda iz stava (2) ovog člana, školski odbor škole isto sa mišljenjem školskog odbora škole dostavlja Ministarstvu radi ocjene kandidata.

Član 4.

(Nadzor Ministarstva)

(1) Po prijemu zahtjeva iz člana 3. stav (3) ovih kriterija, ministar obrazovanja, nauke, kulture i sporta Tuzlanskog kantona formira komisiju radi obavljanja nadzora iz člana 2. ovih kriterija.

(2) Komisija iz stava (1) ovog člana obavlja nadzor na osnovu dokumentacije škole vezano za:

- provođenje zakona i podzakonskih akata,
- usklađenosti organizacije rada škole sa Pedagoškim standardima i općim normativima,
- finansijsko poslovanje škole,
- ocjenjivanje nastavnika i stručnih saradnika,
- realizaciju godišnjeg programa rada škole.

(3) Komisija iz stava (1) ovog člana, poslije obavljenog nadzora sačinjava zapisnik koji sadrži obrazloženo mišljenje na osnovu čega će Ministarstvo donijeti rješenje o ocjeni rada direktora.

Član 5.

(Stručni nadzor Pedagoškog zavoda)

(1) Stručni nadzor Pedagoškog zavoda iz člana 2. ovih kriterija obavlja se na osnovu dokumentacije i kontinuiranog praćenja rada direktora škole za mandatni period, a odnosi se na:

- opći stručni nadzor,
- stručno usavršavanje direktora i zaposlenika u školi,
- ažurnost i kvalitet u izvršavanju poslova prema Pedagoškom zavodu,

d) rezultate vrednovanja rada škole u mandatnom periodu,

e) saradnja sa lokalnom zajednicom-partnerstvo,

f) uspjeha u učenju i podučavanju-rezultati eksterne evaluacije (razlika u srednjoj ocjeni).

(2) Pedagoški zavod, na osnovu obavljenog stručnog nadzora iz stava (1) ovog člana, dostavlja školskom odboru škole obrazloženo mišljenje.

Član 6.

(Mišljenje školskog odbora)

Mišljenje školskog odbora škole iz člana 2. ovih kriterija podrazumijeva da školski odbor škole, na osnovu dokumentacije i neposredne saradnje u radu sa direktorom škole, da obrazloženo mišljenje o radu direktora za mandatni period.

Član 7.

(Ocjena o radu direktora)

(1) Na osnovu mišljenja o izvršenom nadzoru Ministarstva iz člana 4. ovih kriterija, mišljenja o stručnom nadzoru Pedagoškog zavoda iz člana 5. ovih kriterija i mišljenja školskog odbora škole iz člana 6. ovih kriterija, Ministarstvo donosi rješenje o ocjenjivanju kandidata koji je obavljao funkciju direktora škole sljedećim ocjenama:

- loše,
- zadovoljava,
- uspješan i
- naročito uspješan.

(2) Ukoliko je rad direktora škole nakon isteka mandata, a po raspoređivanju na poslove nastavnika ili stručnog saradnika škole, ocijenjen naročito uspješnim, stiče više stručno zvanje.

Član 8.

(Stupanje na snagu Kriterija)

Ovi kriteriji stupaju na snagu danom donošenja i bit će objavljeni u „Službenim novinama Tuzlanskog kantona“.

Bosna i Hercegovina

MINISTAR

- Federacija Bosne i Hercegovine -

TUZLANSKI KANTON

Mr. sci. Zlatan Muratović, v.r.

Ministarstvo obrazovanja,

nauke, kulture i sporta

Broj: 10/1-34-021398/16

Tuzla, 23.09.2016. godine

870

Na osnovu odredaba člana 31. stav 1. tačka 2. i člana 32. stav 2. Zakona o notarima („Službene novine Federacije BiH“, broj: 45/02) u vezi sa članom 65. Pravilnika o radu notara („Službene novine Federacije BiH“, broj: 13/09), a na osnovu obavijesti o prestanku službe notara radi ispunjavanja zakonskog uslova navršavanja godina života notara Benjamina Ibrulja iz Gradačca od 7.7.2016. godine, ministrica pravosuđa i uprave Tuzlanskog kantona donosi

R J E Š E N J E

o prestanku službe notara

I.

Utvrđuje se prestanak službe notara, Benjamina Ibrulja iz Gradačca sa službenim sjedištem u Gradačcu ulica H.K. Gradašćevića bb, zaključno sa danom 30.9.2016. godine, zbog ispunjenja zakonskog uslova za prestanak službe notara navršavanjem određenih godina života.